



## Universitätsbibliothek Paderborn

**Avgvstini Barbosæ I. V. D. Lvsitani, Protonotarii, Et  
Ivdicis Apostolici designati pro Tribunali Nunciaturæ  
Hispaniæ, ac insignis Ecclesiæ Vimaransensis Thesaurarij  
Maioris, Collectanea Doctorvm, Qui ...**

**Barbosa, Agostinho**

**Venetiis, 1643**

17. Exercitia minorum Ordinum restitui debent assignatione facta fructuum simplicium beneficiorum, vel fabricæ. Deficientibus tamen Clericis cœlibatum colentibus sufficiantur coniugati monogami ...

**urn:nbn:de:hbz:466:1-14108**



Cap nemi- nem. 70. dist. 6 Et canonu cita torum fell 24. c. 17. e Concil. Ni- cenū c. 15. & 26. c. Sāctorū 70. dist. c. rug. de cler. pe- regr. Concil. Antioch. c. 7. d. 1. Carth. Cōcil. Chal- cedonēsic. 13. Cōcil. Aquil- granen. c. 59. & 61. Concil. Epaunen. c. 6. Concil. Aure- lian. 3. c. 15. c. 5. Laodic. 41. 3. Carthagi- cap. 28.

est abesse inconsulto Episcopo.

13 Episcopus non potest ante ordinationem exigere ab

ordinando promissionem de inferuendo certa Ec- clesie.

**C**um nullus debeat ordinari, qui iudicio sui Episcopi non sit utilis, aut necessarius suis Ecclesijs, sancta Synodus, vestigijs sexti canonis Concilij Chalcedonenſis inhaerendo, statuit, vt nul- lus in posterum ordinetur, qui illi Ecclesie, aut pio loco, pro cuius necessitate, aut utilitate assumitur, non ascribatur, vbi suis fungatur muneribus, nec incertis vagetur sedibus. Quod si locum in- consulto Episcopo deseruerit, ei sacrorum exercitium interdicitur. Nullus praeterea Clericus peregrinus sine commendatitijs sui Ordinarij litteris ab vilo Episcopo ad diuina celebranda & Sacramenta admini- stranda admittatur.

1. Vide Aldan. in compendio canon. resolut. lib. 2. tit. 8. nu. 3. cum seqq. Sel. in selectis canon. c. 13. ex nu. 25. incipit de officio, & potest. Episcopi, p. 2. alleg. 21. a princip.
2. a. Cum nullus debeat ordinari qui iudicio sui Episcopi, &c.] Adſcriptionem alicui Ecclesie in ordinarijs fieri debere in ipsa promotione, refert decifum Garc. de benefice. p. 2. cap. 5. num. 101.
3. Locum habere etiam in familiaribus triennialibus Episcoporū, qui ad titulum patrimonij possunt promoueri, nam & istos debere ascribi alicui Ecclesie ordinantis, asserit resolutum Sel. d. cap. 13. num. 25.
4. Presbyteros, & clericos adſcriptos Ecclesijs non potest Episcopus ob necessitatem Ecclesie cogere ne difcedant ab ea causa studij, immo tenetur illis dimissorias, seu commendatitias litteras concedere, vt per Aldan. d. tit. 8. num. 4. attestans sic fuisse de cetero sub die 11. Martij 1617.
5. Nullum posse contra prohibitionem sui Praelati ordinarj, aut de illo conuerti, seu ab eo appellare, eo quod illum ordinare velit, resolut Aloyſ. Ricc. in praxi rerum fori eccles. resol. 587. in 2. edit. alias in 1. edit. decif. 693. & faciunt supra dicta sess. 21. de reform. cap. 2. super illa verba, nisi illi, quos Episcopus iudicauerit assumendos.
6. Nullus praeterea clericus peregrinus, &c.] Alienum subditum ad celebrandum, ac Sacramenta administranda admittendum non esse sine commendatitijs proprij Episcopi, tenent per hunc text. Henric. in sum. lib. 10. cap. 34. §. 6. in fine. Fr. Etman. quest. regular. tom. 2. quest. 121. art. 1. Campan. in diuersis canon. rub. 9. cap. 6. num. 1. Marc. Anton. Genuenſ. in praxi Archiepisc. Neapol. cap. 40. num. 1. Hieron. Roder. in compend. quest. regul. resol. 25. num. 17. Ego ipse d. part. 2. alleg. 21. num. 1. in fine.
7. Denegandas non esse huiusmodi commendatitias litteras ab Episcopo Sacerdotibus, & clericis, qui non habent beneficia in titulum residentiam requirentia, referunt decifum Armendar. in addit. ad recop. legum Nauarra. lib. 1. tit. 18. l. 7. de Episcopi. num. 63. Campan. d. rub. 9. cap. 6. nu. 4. Aloyſ. Ricc. in praxi rerum fori eccles. decif. 598. in 1. edit. alias resol. 524. in 2. edit. Ego ipse d. alleg. 21. num. 5.
8. Litteras commendatitias, sine quibus ex hoc cap. clericus peregrinus ad diuina, & Sacramenta administranda admitti non debet, esse obtinendas ab eo, qui huiusmodi clerici Ordinarij fuerit, asserit resolutum Armendar. d. l. 7. de Episcopi. num. 56. quem refero Ego ipse d. alleg. 21. num. 4.

9. Episcopum loci Ordinatum prohibere posse ne Regulares in eorum Ecclesijs Sacerdotes seculares externos diuina officia celebrare permittant, nisi prius ab ipso Episcopo visis litteris commendatitijs ipsi Sacerdotes admitti fuerint, referunt decifum Armendar. in addit. ad recop. legum Nauarra. lib. 2. tit. 18. l. 7. de Relig. num. 55. Galet. in margarita casuum conscient. verb. Missa. Nald. in sum. eod. verbo. nu. 35. Aloyſ. Ricc. in praxi rerum fori eccles. resol. 635. in 2. edit. & in decif. curie Archiep. Neapol. decif. 298. p. 4. Homobon. de Bonis de examine eccles. traſ. 12. c. 4. q. 16. resol. 3. p. 459. Ego ipse d. alleg. 21. num. 8.
10. Episcopum posse admittere Sacerdotes externos habentes litteras dimissorias suorum Ordinarij ad Sacramenta administranda, sicut poterat ad Missa sacrificium, dummodo illi vere idonei sint, refert Armendar. d. l. 7. de Episcopi. num. 83.
11. Sacerdotes exteri seculares, qui absque licentia Ordinarij celebrant in Ecclesijs Regularium, incurrunt penas inflictas in Synodo diocesana, & Sacrificia, seu praefecti Ecclesiarum regularium adstringi possunt ad non permittendum celebrationem praedictam, nisi exhibita licentia Ordinarij, Sel. d. cap. 13. nu. 28. vbi refert decifum in Neapolitana 17. Augusti 1630.
12. Clericum peregrinum posse sine litteris commendatitijs ad celebrandum admitti si faciat fidem de sua ordinatione, resoluunt Nauarr. consil. 1. sub nu. 1. de celebr. Missar. Aloyſ. Ricc. in decif. curie Archiep. Neapol. part. 1. decif. 150. si tamen huiusmodi commendatitias litteras clericus peregrinus non habuerit, nec fidem fecerit, nullo iure esse suspensum, sed posse sechſo scandalo celebrare, tenent Nauarr. in man. cap. 27. num. 153. & consil. 5. de celebr. Missar. in antiq. alias consil. 1. de cleric. peregr. Sayr. in floribus decif. sub illo tit. de celebrat. Missar. decif. 5. Henric. d. §. 6. in commento littera T. Valer. Reginald. in praxi fori panitent. lib. 29. num. 52. vers. tantopere, Ego ipse d. allegat. 21. num. 3.
13. Clericum adſcriptum seruitio alicuius Ecclesie non posse abesse inconsulto Episcopo, asserit Sel. d. cap. 13. nu. 28. attestans sic fuisse resolutum in Terracinen. 19. Februarij 1628.
14. Episcopum non posse ante ordinationem exigere ab ordinandis promissionem de inferuendo certa Ecclesie, etiam post obtentum beneficium simplex residentiam non requirens, dicit Sel. d. c. 13. num. 29. vbi refert decifum in Lauretana 15. Aprilis 1628.

Exercitia minorum Ordinum restitui debent assignatione facta fructuum simplicium beneficiorum, vel fabrica. Deficientibus tamen clericis calibatam colentibus sufficiantur coniugati monogami tonsurati, & induti clericaliter in Ecclesia.

C A P V T XVII.

- 1 Ordo necessari⁹ est ad filios spirituales multiplicandos.
- 2 Irregularis sit clericus exercendo scienter Ordinem, quem non habet.
- 3 Bigamus excluditur a clericatu.
- 4 Bigamus non pot est consequi Ecclesiastica beneficia,
- 5 Bigamus effectus bigamia interpretatiua non potest mortua vxore dispensari per Episcopum vt in Ordine suscepto ministret.
- 6 Dispensare an & quando possit Episcopus in bigamia vera, vel interpretatiua.

Vt



**V**T sanctorum Ordinum à Diaconatu ad Ostiariatum functiones, ab Apostolorum temporibus in Ecclesia laudabiliter receptæ, & pluribus in locis aliquandiu intermissæ, in usum iuxta sacros<sup>2</sup> Canones reuocentur, & nec ab hæreticis, tanquam otiosa traducantur, illius pristini moris restituendi desiderio flagrans sancta Synodus, omnesque & singulos Prælatos Ecclesiarum in Domino hortatur, & illis præcipit, vt quantum fieri commodè poterit, in Ecclesijs cathedralibus, collegiatis, & parochialibus suæ diœcesis, si populus frequens, & Ecclesiæ prouentus id ferre queant, huiusmodi functiones curent restituendas, & ex aliqua parte redituum aliquorum simplicium beneficiorum, vel fabricæ Ecclesiæ, si prouentus suppetant aut vtriusque illorum, eas fructiones exercentibus stipendia assignent, quibus, si negligentes fuerint, Ordinarij iudicio, aut ex parte multari, aut in totum priuari possint. Quod si ministerijs quatuor minorum Ordinum exercendis Clerici cælibes præter non erunt, sufficere possint etiam coniugati, vitæ probatæ, dummodo non bigami, ad ea munia obeunda idonei, & qui Tonfuram, & habitum Clericalem in Ecclesia gestent.

a. Capit. 1. 25. dist. cap. acolytus. c. exorcista. c. lector capit. ostiarius, & c. Psalmista 24. dist. supra cap. 1. Inno. cent. in Epist. 4. cap. 5.

**V**ide Franc. Leon in thesauro fori Ecclesiæ. p. 1. cap. 4. nu. 19. Sel. in select. Canon. cap. 19. à num. 4. Nec ab hæreticis tanquam otiosa, & c. ] Quod Ordo necessarius sit ad filios spirituales multiplicandos ad Ecclesiæ regimen, docet Sayr. de Sacrament. in genere. lib. 6. cap. 4. quest. 1. versic. alia quatuor Sacramenta. & c. ] Vide Azor. instit. moral. part. 1. lib. 12. c. 18. q. 23. Non nisi per constitutos in dictis Ordinibus exercentur. ] Irregularem fieri clericum exercendo Ordinem, quem non habet dummodo scienter, & serio, & ex officio ministrat, resoluit Vgolin. de irregularit. cap. 27. Sayr. de censur. lib. 7. cap. 10. num. 1. Soar. tom. 5. disput. 11. sect. 3. num. 22. Valer. Reginald. in praxi fori pœnitent. lib. 30. num. 191. vers. sexta. Bonacin. de censuris, disput. 7. q. 3. puncto 6. num. 1. quos refero Ego ipse in collectan. ad cap. 1. num. 4. de clerico non ordin. ministr. vbi num. 6. quod dicitur quis actum aliquem Ordinis exercere solemniter quando actus talis est vt ab alio non possit exerceri, quam ab eo, qui talem Ordinem habet. Vnde Diaconum alba, & stola indutum, aquam solemniter in Ecclesia ad fontem benedictentem esse irregularem, cum benedictio aque, & illius exorcismus spectet solum ad Ordinem sacerdotalem, tradunt Franc. Leo d. part. 1. cap. 6. num. 13. & Mari. Antonin. var. re-

sol. lib. 3. resol. 16. num. 7. vers. secundus. Dummodo non bigami, & c. ] Bigamum excludi à clericali pluribus citatis iuribus firmat Bellet. disquisit. clerical. part. 1. tit. de disciplina clericali, §. 6. num. 1. quem refero de officio, & potest. Episcopi, p. 2. alleg. 49. num. 16. Ac proinde non posse Ecclesiastica consequi beneficia, tradunt Rebuff. de pacif. possess. nu. 193. Sayr. de censur. lib. 6. cap. 5. num. 9. Auil. in simili tract. p. 7. disput. 8. dub. 1. Nicol. Garc. de benef. p. 7. cap. 6. num. 1. & 2. Filiuc. tract. 41. de benef. cap. 5. num. 10. Bigamum effectum bigamia interpretatiua, etiam si ante constitutus esset in Ordine ostianatus, non potest mortua vxore dispensari per Episcopum vt in Ordine suscepto ministrat, tenet Sel. in select. canon. capitul. 19. num. 6. attestans sic fuisse decisum in Feretrana 13. Aprilis 1630. Vtrùm autem & quando possit Episcopus dispensare in bigamia vera, seu interpretatiua, egi late de officio, & potestate Episcopi, part. 2. alleg. 49. num. 22. cum seqq. & ibi citatis addo Aloyf. Ricc. in decis. curie Archiepisc. Neapolit. decis. 331. part. 4. vbi quid dicendum quoad beneficia simplicia, Hieron. Roderic. in compendio quest. Regular. resol. 16. à nu. 12. vbi ostendit an & quando Prælati Regulares possint dispensare cum suis Religiosis bigamis?

De Collegio puerorum in singulis Cathedralibus instituendo.

C A P V T XVIII.

- 1 Doctores de materia cap. agentes.
- 2 Pueri qui in seminario recipiendi.
- 3 Pauperum filij.
- 4 Seminarij quatuor deputatos debet adhibere Episcopus in consilium pro tota temporali administratione.
- 5 Seminarij deputati habent votum consultiuum.
- 6 Consilium duorum Canonorum deputatorum in erectione seminarij non tenetur Episcopus sequi.
- 7 Electio deputati seminarij sufficit fieri per clerum ciuitatis.
- 8 Canonici duo ab Episcopo eligendi pro seminarij regulis & statutis conscribendis, lucrantur distributiones dum ex hac causa absunt.
- 9 Canonici electi ad seminarij administrationem perpetuò illam habere debent, nec remoueri possunt.
- 10 Vnio facta seminario absque consilio eorum quos hic iubentur adhiberi, non valet.
- 11 Vnio seminario nondum erecto fieri non potest.
- 12 Episcopus debet primum ex sua, & Capituli mensa contribuere seminario, & postea cogere alios.
- 13 Abbas habens proprium seminarium, non debet cogi contribuere seminario Episcopi.
- 14 Seminarij in contributione prius detrahenda sunt onera.

Barbos. in Collect. in Concil. Triad.

- 15 Seminarij contributio anticipatè soluenda est.
- 16 A contributione seminarij nullus eximitur.
- 17 Seminario nihil soluitur de distributionibus quotidianis.
- 18 Seminario nihil soluitur de incertis, & de legatis pro celebratione Missarum.
- 19 Hospitalia data in titulum si habeant beneficia annexa, vel redditus Ecclesiasticos pro seminario, contribuere tenentur.
- 20 Non procedit in hospitalibus in quibus sunt bona laicorum.
- 21 Seminario debent contribuere beneficia existientia in diœcesi.
- 22 Beneficiati beneficiorum collationis Monachorum tenentur contribuere seminario si sint intra fines diœcesis.
- 23 Cardinales etiam Commendatarij tenentur contribuere seminario pro Abbatijs, & beneficijs eorum.
- 24 Clerici Camera Apost. exempti sunt à contributione seminarij.
- 25 Confraternitates coguntur contribuere seminario pro his, quæ habent de bonis Ecclesiarum.
- 26 Seminario contribuere tenentur Ecclesiæ seculares, quæ non sunt de mensa monasteriorum.

S 3 27 Partio